

II

ՄՈՆԴՈԼՆԵՐԻ ՀԵՏԱԽՈՒԶԱԿԱՆ ԱՐՇԱՎԱՆՔՆ ԱՆԴՐԿՈՎԿԱՍ (1220-1222 թթ.)

ԱՐՏԱՇԵՍ ՇԱՀՆԱԶԱՐՅԱՆ

1220-1222 թթ. մոնղոլների (թաթարների) Անդրկովկաս կատարած հետախուզական արշավանքի գեմ հայ և վրաց ժողովուրդների պայքարը նրանց գարավոր ռազմաքաղաքական համագործակցության ուղագրով էջերից է: Նրա ուսումնասիրությունը թույլ է տալիս բացահայտելու պատմական ճշմարտությունը և ճիշտ հասկանալու իրադարձությունների հետագա ընթացքն ու պատճառները:

Մոնղոլադիտություն մեջ վաղուց նկատված իրողությունն է, որ այս կամ այն տարածքի մոնղոլական նվաճմանը, իրրե կանոն, նախորդում էր խնամքով կատարված ռազմական հետախուզությունը¹: Դա, հետախուզական խնդիրներից բացի, գոհին թալանելու, կոտորելով թուլացնելու, սարսափի մատնելու և դրանով իսկ նրա վերջնական ընկճումը դյուրացնելու նպատակ էր հետապնդում: Այս առումով 1220-1222 թթ. մոնղոլների Անդրկովկաս կատարած հետախուզական արշավանքը բացառություն չէր և վաղուց ի վեր գանվում է հետազոտողների ուղադրության կենտրոնում: Դա բացատրվում է ոչ միայն Անդրկովկասի ժողովուրդների կյանքում այդ արշավանքի խաղացած էական բացասական դերով, այլև աղբյուրների հաղորդումների հակասականությամբ, ինչը խանգարել է այդ ժամանակ գլխապետույտ արագություն միմյանց հաջորդած իրադարձությունների պատկերը ճիշտ վերարտադրելուն: Եվ դա այն դեպքում, երբ այդ արշավանքի մասին հայ-վրացական և պարսկա-արաբական աղբյուրների հաղորդումները ժխտություններ չէ, որ աչքի են ընկնում: Բանն այն է, որ հայկական աղբյուրները, շարադրվելով այս արշավանքից տասնամյակներ անց, առանձին իրողություններ մոռացության են մատնել կամ էլ արագորեն միմյանց հաջորդած դեպքերը նույնացրել են, ինչից ժամանակագրությունը ևս խիստ տուժել է: Վրացական աղբյուրներն էլ դրված լինելով պաշտոնական պատմագրության գիրքերից կամ էլ լինելով պալատական փաստաթղթեր, իրականությունը կեղծված կամ շփոթ են ներկայացնում՝ նաև դրանցից մեկի մեկ դար հետո դրված լինելու հետևանքով: Ինչ վերաբերում է պարսկա-արաբական աղբյուրներին, ապա դրանք համեմատաբար հետևողական ու մանրամասն, ինչպես նաև վստահելի ժամանակագրությամբ են ներկայացնում իրադարձությունները: Սակայն գրանցում վրացական թագավորությունում կատարված դեպքերի աշխարհագրությունը խիստ կաղում է:

¹ Տե՛ս, օրինակ, И. М. Иванн. О военном искусстве и завоеваниях монголо-татар и среднеазиатских народов при Чингиз-хане и Тамерлане. СПб., 1895 և ուրիշներ:

Ասվածն առարկայական գարձնելու միտումով համառոտակի վկայակոչենք հայ-վրացական և մոնղոլական զորքերի բախումների մասին աղբյուրների հաղորդումները: Հայկական բոլոր աղբյուրների և XIV դարի վրաց Անանուն պատմիչի վկայությունները այս արշավանքի ժամանակ մոնղոլական և հայ-վրացական զորքերի միջև տեղի է ունեցել միայն մեկ ճակատամարտ: Սակայն այս նույն հաղորդումից հետո չի մնում, եթե հաշվի ենք առնում ճակատամարտի վայրի նրանց առաջարկած տեղադրությունը²: Ռուսոդան թագուհին (1223-1245) և Իվանե աթաբեկը Հռոմի պապ Հոնորիոս III-ին 1223 թ. դրած նամակներում երկու ճակատամարտ են նշում առանց տեղը ցույց տալու³: Ինչ վերաբերում է Գեորգի Լաչալի ժամանակակից վրաց Անանուն պատմիչին, ապա նա ևս երկու ճակատամարտ է նշում առաջինը Բալիի ջրի մոտ, իսկ երկրորդի տեղը չի հայտնում⁴: Նկատենք նաև, որ վրացական այս վերջին աղբյուրները ճակատամարտերից մեկի ելքի հարցում տարամիտվում են մյուս բոլոր աղբյուրների հետ՝ հայ-վրացական զորքերին հազթանակ վերադրելով: Պարսկա-արաբական աղբյուրներից ալ-Բազդադին հիշատակում է միայն մեկ ճակատամարտ, Ռաշիդ ադ-Դինը՝ երկու, Իբն ալ-Ասիրը և Միրխոնդը՝ երեք, առանց տեղերը նշելու, իսկ Ջուվեյնին և ան-Նասիվին Անդրկովկասում մոնղոլների դործողությունները շրջանցում են⁵: Ընդ որում, բոլոր աղբյուրները երբեմն տարակարծիք են նաև ճակատամարտերի ժամանակաշրջանի, ընթացքի, մոնղոլական զորքերի երթուղու և գործողությունների հաջորդականության հարցում:

Աղբյուրագիտական նյութի նման հակասականությունն, իր կնիքն է գրել խնդրո առարկա արշավանքին անդրադարձած հետազոտողների քննության և դրանից բխող եզրահանգումների վրա, անկախ նյութի դիտարկման խորությունից ու կտրվածքից: Այսպես, օրինակ, հարցի համակողմանի քննությանը զբաղված հետազոտողներից Գ. Ալթունյանի կարծիքով եղել է մեկ ճակատամարտ, Հ. Մանանդյանի, Ս. Ուրբերի, Վ. Ալենի և Ռ. Գրուսեի կարծիքով՝ երկու ճակատամարտ, ըստ Լ. Բաբայանի, Մ. Դ՝ Օսսոնի, Յու. Սիխարուլիձեի և Ռ. Կիկնաձեի՝ երեք ճակատամարտ⁶: Ա. Ա-

2 Մանր ժամանակագրություններ. հ. I, կազմեց Վ. Ա. Հակոբյան. Երևան, 1951, էջ 37, 38, հ. II, Երևան, 1956, էջ 137: Հաւաքումն պատմութեան Վարդանայ վարդապետի լուսաբանեալ. Վենետիկ 1862, էջ 142: Գ Ր Ի Գ Ո Ր Ա Կ Ն Ե Ր Գ Ի Պատմութիւն թաթարաց. Երուսաղեմ, 1974, էջ 20: Մխիթարայ Այրիւանեցւոյ Պատմութիւն ժամանակագրական. Ս. Պետերբուրգ, 1867, էջ 80: Կ Ի Ր Ա Կ Ո Ս Փ ա ն ձ ա կ ե ց Ի Պատմութիւն Հայոց. Երևան, 1961, էջ 203: Վրաց ժամանակագրություն (1207-1318). Երևան, 1979, էջ 56:

3 Ի. Մ. Տ ա բ ա ղ ու ա. Վրաստանը Եվրոպայի արխիվներում և գրապահոցներում (XII-XVI). Թբիլիսի, 1984, էջ 176-178 (վրացերեն):

4 Քարթլիս Ցխովրեբա. հ. I, Թբիլիսի, 1955, էջ 370 (վրացերեն):

5 Мацне, 1982, N 4, с. 163; Р а ш и д а д - Д и н. Сборник летописей. Т. I, кн. 2-я, М.-Л., 1952, с. 227, 228. Օտար աղբյուրները Հայաստանի և Հայերի մասին (այսուհետև՝ Ի բ ն ա լ - Ա ս Ի Ր). հ. 11, էջ 300, 301, 304: Մ Ի Ր Մ ու - Հ ա մ մ ա դ Բ Ի ն Ս Ե յ յ Ի դ Բ ու Ր Հ ա ն ա լ - Դ Ի ն Ն ո ն դ շ ա Հ Բ Ե Մ Ի Ր Ի վ ա ն դ. Թարթիս-ե Տոուզաթ ալ-Սաֆա (պարսկերեն, այսուհետև՝ Մ Ի Ր - Խ ո ն դ), Թեհրան, 1961: G u v a i n i A l a - a d - D i n A t a - M a l i k. The History of the World Conqueror. T. I, Manchester, 1958, p. 143-149.

6 Գ. Ա լ թ ու ն յ ա ն. Մոնղոլները և նրանց արշավանքները ԺԳ դարում. Վաղարշապատ, 1913, էջ 17: Հ. Մ ա ն ա ն գ յ ա ն. Քննական տեսություն հայ ժողովրդի

լի-Ջաղեի կարծիքով եղել է մի քանի ճակատամարտ, իսկ հարցը համապարփակ հետադոտելու փորձ կատարած Հ.Ստեփանյանի կարծիքով՝ չորս ճակատամարտ⁷: Ինչ վերաբերում է այս արշավանքին հպանցիկ անդրադարձած հետադոտողներին, ապա նրանց կարծիքները ևս տարամիտվում են մեկից-երեք ճակատամարտերի սահմաններում: Այսպես, օրինակ, Ա. Գալստյանի, Բ. Շպոլերի և Բ. Ուլուբաբյանի կարծիքով կայացել է մեկ ճակատամարտ, ըստ Ս. Աշուրբեյլիի՝ երկու, իսկ ըստ Ջ. Բունիյաթովի՝ երեք և այլն⁸: Ընդ որում, հետադոտողները ճակատամարտերի տեղի, ժամանակի և իրադարձությունների հաջորդականության հարցերում ևս հաճախ տարակարծիք են: Դա բոլոր աղբյուրները չհամադրելու կամ դրանց հաղորդումները երբեմն կամայական մեկնաբանելու հետևանք է: Արդյունքում՝ մոնղոլների 1220-1222 թթ. Անդրկովկաս կատարած հետախուզական արշավանքի դեմ հայ և վրաց ժողովուրդների համատեղ պայքարի պատմությունն առ այսօր կարոտ է սպառիչ և համապարփակ լուսաբանման: Փորձենք հրապարակի վրա եղած աղբյուրների և պատմադիտությունների նվաճումների հաշվառմամբ հնարավորին չափ լրացնել այդ բացը⁹:

Խորեզմշահերի երբեմնի հզոր պետությունը ջախջախելիս, ավելի ստույգ՝ 1220 թ. ամռանը Սամարղանդի պաշարման ժամանակ Ջինդիգխանը իր ինը հայտնի զորավարներից երեքի՝ Ջեբե Նոյինի, Սուբադայ Բահատուրի ու Տուկուչարի գլխավորությամբ ընտիր բանակ առանձնացնելով, նրանց հրամայեց երեքամյա ժամկետում հետապնդել ու գերել մոնղոլներից դեպի արևմուտք փախչող խորեզմշահ Մուհամմադին (1200-

պատմություն. հ. Կ, Երևան, 1952, էջ 182-185: С. С. У о р к е р. Чингиз-хан. Ростов-на-Дону, 1998, с. 163 - 165; W. E. D. A l l e n. A history of the Georgian people. London, 1932, p. 110; R. G r o u s s e t. L'Empire Mongol (I-re phase). Histoire du Monde, t. VIII, Paris, 1941, p. 258-259; Ն ու յ ն ի՝ L'Empire des steppes. Attila. Gengis-Khan. Tamerlan. Paris, 1960, p. 307; Լ. Ն. Բ ա բ ա յ ա ն. Հայաստանի սոցիալ-տնտեսական և քաղաքական պատմությունը XIII-XIV դարերում. Երևան, 1964, էջ 162-180: К. Д ' О с с о н. История монголов от Чингиз-хана до Тамерлана. Т. I, Иркутск, 1937, с. 187 - 188, 191 - 192; Ю. М. С и х а р у л и д з е. Борьба грузинского народа против татаро-монгольского владычества (Автореф. дисс. на соискание ученой степени доктора ист. наук). Тбилиси, 1969, с. 17 - 18; Վրաստանի պատմության ակնարկներ. հ. III, Թբիլիսի, 1979, էջ 532-536 (վրացերեն):

7 А. А. А л и - З а д е. Социально-экономическая и политическая история Азербайджана XIII - XIV вв. Баку, 1956, с. 95, 96, 99; Հ Ր ա չ Ս ա ե - փ ա ն յ ա ն. Հայ ժողովրդի պայքարը Թաթար-մոնղոլական լծի դեմ. Երևան, 1990, էջ 30-41:

8 А. Г. Г а л с т я н. Завоевание Армении монгольскими войсками (Татаро-монголы в Азии и Европе). М., 1977, с. 167); В e t r o l d S p u l e r. Die Mongole in Iran. Berlin, 1955, S. 25; Բ. Ա. Ուլուբաբյան. Խաչենի իշխանությունը X-XVI դարերում. Երևան, 1975, էջ 181-182: R. G r o u s s e t. L'Empire mongol, p. 258-259; Ն ու յ ն ի՝ L'Empire des steps..., p. 307; G u v a i n i, t. I, p. 149, sue. 32; С а р а А ш у р б е й л и. Государство Ширваншахов (VI - XVI вв.). Баку, 1983, с. 1948; З. М. Б у н и я т о в. Государство атабеков Азербайджана (1136-1225). Баку, 1978, с. 114-118 և ուրիշներ:

9 Մոնղոլական այս արշավանքին ժամանակին անդրադարձել է նաև տողերիս հեղինակը (Ա. Բ. Շ ա հ ն ա գ ա Ր յ ա ն. Վահրամյանների իշխանությունը. Երևան, 1990, էջ 90-101)՝ կատարելով մի շարք եզրահանդումներ: Սակայն թեմայի համապարփակ քննության նպատակ չհետապնդելով, այն շոշափել ենք այնքանով, որքանով արշավանքն առնչվել է Վահրամյանների իշխանության հետ:

1220), իրականացնել Հյուսիսային Իրանի ու Անդրկովկասի ռազմական հետախուզությունը և Դեշտի-Ղփչաղի վրայով Հյուսիսային Կովկասն անցնելով վերադառնալ Մոնղոլիա՝ գլխավոր զորակայան¹⁰: Սակայն Տուկուչարը շուտով սպանվում է և նրա զորաբանակն անցնում է մյուս երկու զորավարների ենթակայության տակ¹¹: Ըստ Կիրակոս Գանձակեցու, նրանից օգտված Անանուն Սերաստացու և նրանց հիմք ընդունած Մ. Չամչյանի ու Գ. Ալթունյանի, այս բանակի ընդհանուր հրամանատարը եղել է Սուբադարը¹²: Սակայն Ջուվեյնիի, Ռաշիդ ադ-Դիհի և Արուզբազդիի վկայություններից հստակ հետևում է, որ այս բանակի ընդհանուր զորահրամանատարը եղել է ավելի տարիքով ու փորձառու Ջերեն¹³:

Մոնղոլական այս բանակի թվաքանակի հարցում ևս աղբյուրները տարակարծիք են: Եթե ան-Նասիվին, Ջուվեյնին, Ռաշիդ ադ-Դիհին, Միրխոնդն ու Արուզբազդին այն 30 հազար են հաշվում, ապա Իրն ալ-Ասիրը, Վարդան վարդապետն ու նրանից օգտված Անանուն Սերաստացին՝ 20 հազար, իսկ XIV դարի վրաց Անանուն պատմիչը՝ 12 հազար¹⁴: Եթե նկատի ունենանք այն հանրահայտ իրողությունը, որ մոնղոլական ռազմարվեստի կանոնների համաձայն յուրաքանչյուր հայտնի զորավար մեկ թուման, այսինքն 10 հազարանոց զորք էր ղեկավարում, ապա այս բանակի թվաքանակը պետք է 30 հազար կազմեր: Սակայն, քանի որ ռազմական գործողությունների ընթացքում այն կորուստներ էր կրում և թիկունքից կտրված լինելով չէր համարվում, ինչպես նաև հպատակեցված շրջաններում ու բնակավայրերում մոնղոլներն այս բանակից մանր ջոկատներ էին թողնում, պետք է առավել հավաստի համարել այս իրադարձությունների ականատես և ավելի մանրամասն ու ստույգ տեղեկություններ հաղորդող Իրն ալ-Ասիրի, ինչպես նաև Վարդան վարդապետի հայտնած 20 հազար թիվը, ինչը պնդել է տալիս նաև վերջինիս «Իբրև թէ 20 հազար»¹⁵ արտահայտության ընդգծված հատվածը: Ինչ վերաբերում է XIV դարի վրաց Անանուն պատմիչի հաղորդած 12 հազար թվաքանակին, ապա այն հավատ չի ներշնչում, որովհետև նա այս իրադարձությունները խիստ շփոթ է ներկայացնում, խառնելով Ջալալ ադ-Դիհի հետազայում կատարված արշա-

10 P a ш и д а д - Д и н. Сборник летописей. Т. I, кн. 2-я, с. 208-209, 217; Ш и х а б а д - Д и н М у х а м м а д а н - Н а с и в и. Жизнеописание султана Джалал ад-Дин Манкбурны. Баку, 1973, с. 89, 96-97; Մ ի Ր - Խ ո ն ղ, էջ 95:

11 P a ш и д а д - Д и н. Сборник летописей. Т. I, кн. 2-я, с. 220. Մ ի Ր Խ ո ն ղ, էջ 95:

12 Կ ի Ր ա կ ո ս Գ ա ն ձ ա կ ե ջ ի, էջ 204: Մանր ժամանակագրություններ. Հ. II, էջ 137, 138: Մ ի ք ա յ ե լ Չ ա մ չ ե ա ն. Հայոց պատմություն. Հ. Գ. Վենետիկ, 1786, էջ 201: Գ. Ա լ թ ու ն յ ա ն. նշվ. աշխ., էջ 18, 19, 49:

13 В. Т. Т и з е н г а у з е н. Сборник материалов, относящихся к истории Золотой Орды. Т. II, М.-Л., 1941, с. 21, 30. А б у л г а з и - б а г а - т у р - х а н. Родословная история о татарах. Т. I, СПб., 1768, с. 377.

14 а н - Н а с и в и, с. 89; G u v a i n i, t. I, p. 113, P a ш и д а д - Д и н. Сборник летописей. Т. I, кн. 2-я, с. 209, Մ ի Ր Խ ո ն ղ, էջ 95: В. Т. Т и з е н г а у з е н. Сборник материалов, относящихся к истории Золотой Орды. Т. I, СПб., 1884, с. 11. Վ ա Ր Ղ ա ն վ ա Ր Ղ ա պ ե տ, էջ 142: Մանր ժամանակագրություններ. Հ. II, էջ 137: Վրաց ժամանակագրություն (1207-1318), էջ 55:

15 Վ ա Ր Ղ ա ն վ ա Ր Ղ ա պ ե տ, էջ 142:

վանքների հետ կապված դեպքերին: Կիրակոս Գանձակեցին իր հերթին մոնղոլական զորարանակի թվաքանակը ներկայացնելիս բավարարվում է «յուրով գունդս» արտահայտությամբ¹⁶:

Չինդիգ խանի հրամանը ստանալուց հետո Ջերեն ու Սուբադայր սկսում են կրնկակոխ հետապնդել հուսալքված ու սարսափահար և զրանով իսկ հպատակների շրջանում խուճապ ներշնչելով մոնղոլներից գլխապատառ դեպի արեմուտք փախչող խորեզմշահ Մուհամմադին: Այդ ընթացքում նրանք դիտվին ջախջախում են խորեզմշահի իրենց դիմադրելու փորձ կատարած որդիներին: Մերվի մոտ Ջերեն ու Սուբադայր տեղեկանում են, որ խորեզմշահ Մուհամմադն ըստ էության լքված վիճակում կսկիծից ու թոքամիզի բորբոքումից 1220 թ. դեկտեմբերի սկզբներին Կասպից ծովի Աբեսկուն կղզում վախճանվել է¹⁷: Նրանք այդ մասին անհապազ հաղորդում են Չինդիգ խանին, միաժամանակ նշելով, որ Մուհամմադի որդի Ջալալ ադ-Դինը փախել է¹⁸: Չինդիգ խանն այդ լուրն առնելուն պես «Ջերեյին ու Սուբադային...ուղարկեց...նվաճելու սուլթանի տիրույթները, որոնք բաղկացած էին Առանից (Աղվանքից—Ա. Շ.), Ազրբեջանից, Իրաքից ու Շիրվանից»¹⁹: Նույնն է հաղորդում Գրիգոր Ակնեցին, որը մոնղոլների կողմից խորեզմշահների պետության ջախջախման մասին պատմելուց հետո ավելացնում է. «Ի վերայ այսր ամենի դարձեալ հրաման առին ի դանեն յուրեանց, որ կոչեցավ Չանգզ Խան, եւ յարձակեցան ի վերայ յաշխարհին Աղուանից և Վրաց»²⁰: Չինդիգ խանը Աղվանքը, Ազրբեջանը, պարսկական Իրաքն ու Շիրվանը խորեզմշահ Մուհամմադի տիրույթները համարելու իրավական հիմքեր ունեն: Բանն այն է, որ Գանձակի էլտկուղյան վերջին աթաբեկ թուլամորթ ու հարբեցող Ուղբեկը (1210-1225) չկարողանալով իր տիրույթները պաշտպանել հայ-վրացական զորքերի դնալով սաստկացող ոտնձգություններից, 1217 թ. ընդունել էր Մուհամմադի գերիշխանությունը²¹: Ուստի երբան տեղյակ Չինդիգ խանն Ուղբեկի տիրույթները դիտում էր ոչ թե չեզոք, այլ թշնամական տարածք:

Ջերեն ու Սուբադայր 1220 թ. դեկտեմբերի առաջին կեսին ներխուժում են պարսկական Իրաք ու Ատրպատական: Խորեզմյան բանակի բարոյալքված մնացորդներին ոչնչացնելուց բացի, մոնղոլները մահ, ավերածություն ու կողոպուտ սփռելով գրավում ու կործանում են իրենց ճանապարհին ընկած մեծ ու փոքր բնակավայրերը, աննշան բացառությամբ,

16 Կ ի Ր ա կ ո ս Գ ա ն ձ ա կ ե ց ի, էջ 201: Գ. Ալթունյանն այս զորաբանակի թվաքանակը ամենաշատը 20-25 հազար հաշվելով, իրավացիորեն նկատել է, որ դրանից մեծ բանակը դժվար թե կարողանար այդպիսի արագ ու ծանր երթեր կատարել (Գ. Ա լ թ ու ն յ ա ն, նշվ. աշխ., էջ 18): Լ. Մանանդյանը ևս գտնում է, որ այս զորաբանակի թիվը մոտ 20 հազար է եղել (Լ. Մ ա ն ա ն գ յ ա ն, նշվ. աշխ., էջ 181):

17 Р а ш и д а д - Д и н. Сборник летописей. Т. I, кн. 2-я, с. 226, а н - Н а с и в и, с. 92-93.

18 Р а ш и д а д - Д и н. Сборник летописей. Т. I, кн. 2-я, с. 226.

19 Նույն տեղում:

20 Գ Ր Ի Գ Ր Ա Կ ն Ե Ր ց ի, էջ 20:

21 а н - Н а с и в и, с. 61.

մեծ փրկագնի դիմաց խնայելով իրենց հպատակվածներին²²։ Երբ ձմեռը մտավ իր իրավունքների մեջ, մոնղոլները գտնվում էին Ռեյի մերձակայքում՝ ինչը ի-բազուրգում։ Ասպատակ սփռելով, նրանք այստեղից շարժվում են Թավրիզ։ Աթաբեկ Ուզբեկը մոնղոլներին դիմադրելու փոխարեն գերադասում է քաղաքը կործանումից զերծ պահել նրանց հետ փրկադնով լեզու գտնելով, և Թավրիզն առժամանակ փրկվում է²³։

Պարսկա-արարական բոլոր աղբյուրների համերաչխ վկայությամբ 1220-1221 թթ. ձմեռը խիստ ձյունաշատ ու ցրտաշունչ է եղել։ Այդ հանգամանքը Ջերեյին և Սուբադային ստիպում է շարժվել դեպի Աղվանք, որտեղ ձմեռելու պայմանները մեղմ կլիմայի և փարթամ արոտավայրերի շնորհիվ անհամեմատ նպաստավոր էին։ Այդ մասին Ռաչիդ ադ-Դիհնի ըստ Օ. Սմիռնովայի ուսերեն թարգմանություն հետևյալն է գրում. «Շարժվեցին Առան, որպեսզի այնտեղ ձմեռեն։ Նրանց ճանապարհն անցնում էր Գյուրջիստանի [Վրաստանի] վրայով»²⁴։ Սակայն Ռաչիդ ադ-Դիհնի աշխատության Վ.Տիգենհաուզենի ուսերեն տեքստում այս հատվածի վերջին նախադասությունը թարգմանված է հետևյալ կերպ. «Նրանց ճանապարհն անցնում էր Վրաստանի ծայրամասով»²⁵։ Ռաչիդ ադ-Դիհնի բնագրին հարազատ է Վ. Տիգենհաուզենի թարգմանությունը, որովհետև Օ. Սմիռնովայի թարգմանության այդ հատվածում երկու նախադասություն հետո նշվում է, որ մոնղոլները «Վրաստանի սահմաններում տեսան դժվարանցանելի թավուտ անտառներ և անտառային ճանապարհներ»²⁶։ Այս նախադասությունը Վ. Տիգենհաուզենի թարգմանության մեջ հետևյալ տեսքն ունի. մոնղոլները «տեսան, որ Վրաստանում նեղ ճանապարհներ և դժվարանցանելի տեղեր են»²⁷։ Այսպիսով, ըստ Ռաչիդ ադ-Դիհնի, մոնղոլներին Թավրիզի շրջակայքից Աղվանք տանող ուղին անցել է վրացական թագավորության սահմաններով, պարզ է հարավ-արևելյան։ Զուվեյնին իր հերթին հետևյալն է հաղորդում. «Երբ ձմեռը եկավ, նրանք (մոնղոլները – Ա. Շ.) շարժվեցին Մուղան, ձմեռն անցկացրին այնտեղ և այդ տարի ճանապարհները փակված էին մեծ քանակությամբ ձյունով»²⁸։ Միրխոնդը ևս հավաստում է մոնղոլների Մուղան գնալը, իսկ անՆասիրին այս փաստը շրջանցում է²⁹։ Իրն ալ-Ասիրի վկայությամբ մոնղոլները Թավրիզի շրջակայքից «հեռացան դեպի ծովի (Կասպից – Ա. Շ.) ափերը, քանի որ այնտեղ ցուրտը պակաս էր և ուզում էին ձմեռել, մա-

22 Р а ш и д а д - Д и н. Сборник летописей. Т. I, , кн. 2-я, с. 227. Ի բ ն ա լ - Ա ս ի բ, էջ 300: G u v a i n i. t. I, p. 146-147.

23 Ի բ ն ա լ - Ա ս ի բ, էջ 300:

24 Р а ш и д а д - Д и н. Сборник летописей. Т. I, кн. 2-я, с. 227. XII-XIV դդ. վրացական թագավորության կազմի մեջ մտնող բոլոր տարածքներն ու ժողովուրդները պարսկա-արաբական իրականության մեջ համապատասխանաբար ընկալվում էին իբրև Վրաստան և վրացի:

25 В. Г. Т и з е н г а у з е н. Сборник материалов, относящихся к истории Золотой орды. Т. II, с. 31.

26 Р а ш и д а д - Д и н. Сборник летописей. Т. I, кн. 2-я, с. 227.

27 В. Г. Т и з е н г а у з е н. Сборник материалов, относящихся к истории Золотой орды. Т. II, с. 32.

28 G u v a i n i. t. I, p. 147.

29 Մ ի բ խ ո ն դ, էջ 99:

նավանդ որ այնտեղ արոտավայրեր շատ կային իրենց կենդանիների համար»³⁰: Այնուհետև նա հայտնում է, որ մոնղոլները «հասան Մուղան, ապա շեղվեցին դեպի վրաց (քուրջ) երկիրը»³¹: Այսպիսով, մոնղոլները բաբենպաստ պայմաններում ձմեռելու նպատակով 1220 թ. դեկտեմբերի երկրորդ կեսին հավանաբար վերջերին, Թավրիզի մոտից դեպի Մուղան էին շարժվել: Սակայն, եթե ըստ Ռաչիդ ադ-Դինի մոնղոլները վրացական թագավորությունում անցել են Մուղան շարժվելիս, ապա համաձայն Իբն ալ-Ասիրի, նրանք այդտեղ են շարժվել Մուղան հասնելուց հետո: Կարծում ենք այս հարցում իրապատում է Ռաչիդ ադ-Դինը, նկատի ունենալով կարևոր երկու հանգամանք: Նախ, ինչու պետք է ձմեռելու նպատակով Մուղան հասած մոնղոլներն այնտեղից ուղղափարչավ կատարեին դեպի վրացական թագավորություն: Եվ ապա, ցրտաշունչ ու ձյունաշատ այդ ձմռանը շտապ Մուղան հասնելու համար նրանք կրնտրեին ոչ թե վրացական թագավորությունը շրջանցող Թավրիզ-Սերավ-Բաջրավան-Ջարրավան-Մուղան երկար ճանապարհը, այլ գրանից անհամեմատ կարճ և վրացական թագավորության հարավ-արևելյան ծայրամասով՝ Արցախ-Խաչենով, անցնող Թավրիզ-Ահար-Նակորդան-Բայլական-Պարտավ ճանապարհը:

Եթե Զուվեյնին ու ան-Նասիվին գրանից հետո Անդրկովկասում մոնղոլների գործողությունների մասին լռում են, ապա Իբն ալ-Ասիրը, Ռաչիդ ադ-Դինն ու Միրխոնդը միարեբան պնդում են, որ Անդրկովկաս մտնելուց հետո նրանց դեմ դուրս է գալիս 10 հազարանոց վրացական (իմա՝ հայ-վրացական) մի զորամաս: Տեղի է ունենում ճակատամարտ, որի ընթացքում ըստ Միրխոնդի նախահարձակ հայ-վրացական ընտիր հեծելազորը մեծ կորուստներ կրելով պարտվում է³²: Նրա մնացորդները, ոչ մի տեղ չկանգնելով, փախչում են և փրկվում³³: 'Իրան նպաստեց այն, որ նրանց հետապնդելու նպատակով վրացական թագավորությունում խորանալ փորձող մոնղոլները դժվարանցանելի թավուտ անտառների ու անտառային ճանապարհների հանդիպելով հետ դարձան³⁴ և «ամրացուցին զաղխս իւրեանց ի մօր և ի տղմուտ տեղիս, որ կայ ի մէջ երկուց քաղաքացն՝ Պարտաւայ և Բելակունայ յամրագոյն տեղիս, զոր Բեղամէջն կոչեն»³⁵:

Անդրադառնալով այս ճակատամարտին, Կ. Դ'Օստոնը նշել է, որ Մուղանի տափաստան հասնելուց հետո մոնղոլներն անցողակի հարձակվեցին Վրաստանի վրա և ջարգեցին 10 հազարանոց վրացական զորքը⁶: Այս դեպքերը Ա. Ուորթերն այլ կերպ է մեկնաբանել, գրելով, որ մոնղոլները Մուղանից հեծյալ ջոկատներ էին ուղարկել վրացական թագավորության հովիտները՝ նպատակ ունենալով այդ երկրում ևս սարսափ տարա-

30 Ի բ ն ա լ - Ա ս ի բ, էջ 300:

31 Նույն տեղում:

32 Նույն տեղում: Р а ш и д а д - Д и н. Сборник летописей. Т. I, кн. 2-я, с. 227, Մ ի Ր Խ Ո Ն Դ, էջ 99:

33 Նույն տեղում:

34 Р а ш и д а д - Д и н. Сборник летописей. Т. I, кн. 2-я, с. 227.

35 Կ ի Ր ա կ ո ս Գ ա ն ձ ա կ ե ց ի, էջ 202-203:

36 К. Д. ' О с с о н. Ук. соч., с. 187.

ծել: Այդ ջոկատները վերադարձել էին մեծ ավարով, սպանելով մոտ 10 հազար անպաշտպան բնակչի³⁷: Մինչդեռ, Ռաշիդ ազ-Դինն ու Միրխոնդը հստակ պնդում են, որ հայ-վրացական զորքը սպասել է մոնղոլներին և եղել ճակատամարտի նախահարձակը: Այլ կերպ ասած, խնդիր է ունեցել կանխել մոնղոլների հնաճավոր ներխուժումը երկրի խորքը կամ նրանց հետ չպրտել պետութայն սահմաններից: Հետևաբար, վրաց արքունիքը տեղյակ էր մոնղոլների վրացական թագավորության տարածք մտնելու հավանական վտանգի մասին և այն կանխելու ուղղությամբ համապատասխան քայլ էր կատարել: Դա պարզվում է XVII դ. վրաց հեղինակ Փարսագան Գորգիջանիձեի «Վրաստանի պատմության» մեջ օգտագործված Գեորգի Լաշա թագավորի (1207-1223) XIV դարում գրված պատմության մի սկզբնաղբյուրից: Ըստ դրա, աթաբեկ Ուզբեկը Գեորգի Լաշային դեսպանի միջոցով տեղյակ է պահել մոնղոլական վտանգի մասին, նրան հորդորելով հետևյալը. «Մեզ այսուհետև պատշաճում է իրար օգնել և միմյանց թիկունք կանգնել: Բավական է այսքան ավերել, մահը և ամայացումը... Թագավորն էլ կանչեց իվանե աթաբեկին ու այլ դիվերտներին և խորհրդակցեցին ու հավանեցին Գանձակի դեսպանի ասածին և համոզվեցին նրա խոսքերում»³⁸: Ուրեմն, Զ. Բունիյաթովը սխալվում է, գրելով թե «վրաց արքունիքը, թվում է, անտեսեց այդ ուղերձը»³⁹:

Եթե այս ճակատամարտի ստույգ տեղի մասին պարսկա-արաբական աղբյուրները ոչինչ չեն հաղորդում, ապա հայ-վրացական աղբյուրներն այն իսպառ մոռացության են մատնել: Որոշ հեղինակներ փորձել են ճշտել այս ճակատամարտի վայրը: Լ. Բաբայանը մեջ է բերել Կիրակոս Գանձակեցու « գալ անցանել յաշխարհս Հայոց և Վրաց... Եւ փոյթ ընդ փոյթ չոգան մինչև ի քաղաքն Տփխիս» և Ստեփաննոս եպիսկոպոսի «եկն ի Տփխեաց [տու]նն զՍախատէ աւիրեաց և դարձաւ»⁴⁰ արտահայտությունները՝ դրանք աղբյուրով քննվող ճակատամարտի հետ⁴¹: Իսկ նախքան այդ գրել է, որ «Մոնղոլական ջոկատն անցնելով Արաքսը, նախիջևանի արևմտյան կողմով բարձրանում է հյուսիս, հասնում մինչև Աղստեֆի շրջանը: Այստեղ մոնղոլները հանդիպում են վրաց-հայկական 10 հազարանոց բանակին»⁴²: Հետազոտողն իբրև այս խոսքերի հիմնավորում վկայակոչել է Իրն ալ-Ասիրին, Ռաշիդ ազ-Դինին, Միրխոնդին, Կիրակոս Գանձակեցուն ու Ստեփաննոս եպիսկոպոսին, որոնք, ինչպես արգեն տեսանք, նման եզրակացության և ոչ մի կռվան չեն տալիս: Ըստ երևույթին այստեղ որոշակի գեր է խաղացել Ռաշիդ ազ-Դինի բնագրի Օ. Սմիռնովայի ուսերեն

37 С. С. У о р к е р. Ук. соч., с. 160, 163.

38 Ռ ե վ ա գ Կ ի կ ն ա ձ ե. Եվս մեկ վրացական աղբյուր Գեորգի Լաշայի պատմության վերաբերյալ (Վրաստանը Ռուսթավելու ժամանակաշրջանում. Թբիլիսի 1966, էջ 101, վրացերեն):

39 З. М. Б у н и я т о в. Ук. соч., с. 115.

40 Կ Ի ր ա կ ո ս Գ ա ն ձ ա կ Ե ց ի, էջ 201-202: Մանր ժամանակագրություններ, հ. I, էջ 37:

41 Լ. Հ. Բ ա ր ա յ ա ն. նշվ. աշխ., էջ 170, 177:

42 Նույն տեղում, էջ 169: Մի քանի էջ հետո՝ 177 էջում, Լ. Բաբայանը այս ճակատամարտի տեղի մասին խոսելիս թեպետ է արտահայտվում «պետք է ենթադրել, տեղի է ունեցել Աղստեֆի մոտ»:

տեքստի հայերեն սխալ թարգմանությունը: Ռաշիդ ադ-Գինի ուսերեն այդ թարգմանության 227 էջի (որը Լ. Բաբայանը 226 է նշել) մեղ հետաքրքրող հատվածի հայերեն անխաթար թարգմանությունը հետևյալն է. «Շարժվեցին Առան, որպեսզի ձմեռն այնտեղ անցկացնեն: Նրանց ճանապարհն անցնում էր Գուրջիստանով [Վրաստան]: Տաս հազար վրաց տղամարդիկ եկան [մոնղոլներին] ընդառաջ և ճակատամարտ սկսեցին: Գուրջերը [վրացիները] պարտվեցին և [նրանց] մեծ մասը կոտորվեց»⁴³: Մինչդեռ, Լ. Բաբայանի թարգմանությունը հետևյալն է. «Գուրջիստանի վրայով եկան նրանք Մուղան և ճանապարհին թեքվեցին կուրջերի երկիրը, նրանց դեմ դուրս եկավ կուրջերի մեծ քանակությամբ զորք, մոտավորապես 10 հազար...բայց կուրջերը փախուստի դիմեցին և նրանց մեծ մասը կոտորվեց»⁴⁴: Եթե նկատի ունենանք այս թարգմանությունը և տողատակում Գուրջիստան տեղմինին Լ. Բաբայանի տված մեկնությունը՝ «Գուրջիստան ասելով հեղինակը նկատի ունի նաև Հայաստանի հյուսիսային շրջանները»⁴⁵, ապա պարզ կգառնա, թե նա ինչու է Կիրակոս Գանձակեցու և Ստեփաննոս Եպիսկոպոսի վկայություններն աղբյուրել այս ճակատամարտի հետ: Սակայն այս հանգամանքը ևս հիմք չի տալիս, պնդելու, որ հայ-մոնղոլական զորքերի միջև առաջին ճակատամարտը եղել է Աղստեի շրջանում: Առավել ևս, որ ըստ Ռաշիդ ադ-Գինի, դեպի Առան (Աղվանք) մոնղոլական բանակի ճանապարհն անցել է վրացական պետություն արևելյան սահմանագլխով, և նրանք երկրի խորքերը չեն թափանցել:

Հ. Ստեփանյանն իր հերթին իբն ալ-Ասիրին, Ռաշիդ ադ-Գինին, Կիրակոս Գանձակեցուն ու Վարդան վարդապետին վկայակոչելով գրել է. «Անցնելով Երասխր, Ջեբեյն ու Սուրեդեյը Հասան Մուղան, որտեղից էլ շարժվեցին դեպի Պարտավ և իրենց ճանապարհը շարունակեցին Պարտավ-Գանձակ-Շամքոր-Տփղիս...ճանապարհով: Հասնելով Շամքոր...մոնղոլները քիչ անց՝ Շամքոր-Տփղիս ուղղությամբ (ստույգ վայրը չի հիշատակվում և ոչ մի աղբյուրում) շարժվելիս առաջին անգամ բախվեցին հայ-վրացական ուժերի հետ...ճակատամարտից հետո մոնղոլները Գուգարքից մտան Վրաստան, Հասան Տփղիս, ապա առաջ շարժվելով և հանդիպելով թավուտ անտառների՝ վերադարձան»⁴⁶: Նա նաև նկատում է, որ ճակատամարտի տեղի ճշտման հարցում կարող է օգտակար լինել Վարդան վարդապետի մոնղոլները «եկին, մտին յերկիրն Գուգարացուց առ դաշտավայրօքն, ի կողմանցն Աղուանից» վկայությունը, տողատակ ծանոթության մեջ հավելելով, որ մոնղոլները Գուգարք էին հասել⁴⁷: Այսպիսով, ըստ Հ. Ստեփանյանի, հայ-վրացական և մոնղոլական զորքերի առաջին ճակատամարտը տեղի է ունեցել Գուգարքում, որտեղ մոնղոլները հասել էին Պարտավ-Տփղիս ճանապարհով: Սակայն այս եզրահանգումը ևս հակասում է նրա վկայակոչած աղբյուրներին: Իրն ալ-Ասիրն այս ճակատամարտից

43 Р а ш и д а д - Д и н. Сборник летописей. Т. I, кн. 2-я, с. 227.

44 Լ. Հ. Բ ա բ ա յ ա ն. նշվ. աշխ., էջ 169-170:

45 Նույն տեղում, էջ 169, ծան. 3:

46 Հ Ր ա չ Ս տ ե փ ա ն յ ա ն. նշվ. աշխ., էջ 30-32:

47 Նույն տեղում, էջ 31, ծան. 6, էջ 32, ծան. 7:

Հետո մոնղոլների առաջխաղացման մասին ոչ միայն որևէ բառ չի ասում, այլև նրա շարադրանքից հստակ երևում է, որ ճակատամարտից հետո նրանք հետ էին քաշվել: Ռաշիդ ադ-Դինը ևս նման եզրակացություն հիմք չի տալիս, որովհետև, ինչպես տեսանք, ըստ նրա մոնղոլները ճակատամարտից հետո փորձել են առաջ շարժվել ոչ թե Պարտավ-Տփխիս մայրուղով, այլ նեղ ու դժվարանցանքների անտառային ճանապարհներով և թավուտ անտառների են հանդիպել ոչ թե Տփխիս անցնելուց հետո միայն, որտեղ չէին էլ հասել, այլ վրացական պետության հենց հարավ-արևելյան սահմանագլխին: Ինչ վերաբերում է Հ. Ստեփանյանի վկայակոչած մյուս աղբյուրին՝ Կիրակոս Գանձակեցուն, ապա նա մոնղոլների մուտքն Անդրկովկաս սխալմամբ Դերբենտի դռնից համարելով դրում է, որ նրանք մտան Աղվանք, ապա «փոյթ ընդ փոյթ չոգան մինչև ի քաղաքն Տփխիս և դարձեալ եկին իջին յաշխարհն Աղուանից, ի սահմանս Շամքոր քաղաքի»⁴⁸: Պատմիչի այս հաղորդումը ոչ միայն որևէ բառ չի պարունակում այն առաջին ճակատամարտի հետ աղերսելու համար, այլև նրա «չոգան մինչև ի քաղաքն Տփխիս» արտահայտությունը հուշում է, որ մոնղոլները Տփխիսը չեն անցել և որ Կիրակոս Գանձակեցին նկատի ունի նրանց այլ հետագայում կատարած զորաշարժ: Ինչ վերաբերում է Վարդան վարդապետի «եկին մտին յեկիրն Գուդարացուց առ դաշտաւայրօքն ի կողմանց Աղուանից» արտահայտությանը, ապա այն ևս հետագա իրադարձությունների է առնչվում, ինչը քիչ անց կտեսնենք:

Անդրադառնալով այս դեպքերին, Ռ. Կիկնաձեն գրել է. «Մոնղոլների ճանապարհն անցնում էր Արաքս գետով: Մոնղոլների դեմ ճակատամարտելու համար վրացիները դուրս բերեցին 10 հազար հոգի և պարտվեցին: Արանից հետո մոնղոլները գնացին Մուղան և ձմեռեցին»⁴⁹: Ապա նա ավելացրել է, որ այս դեպքը պետք է նկատի ունեցած լինի Գեորգի Լաշայի ժամանակակից վրաց Անանուն պատմիչը՝ Բալիի ջրի վրա Գեորգի Լաշայի հապճեպ հավաքած զորքի ու մոնղոլների միջև կայացած բախման մասին խոսելիս: Այս ենթագրությունը մերժելի է, քանի որ, ինչպես ստորև կտեսնենք, Բալիի ջրի մոտ կայացած ճակատամարտը հետո է եղել⁵⁰: Զ.Բունիյաթովն էլ այս ճակատամարտը երկրորդի հետ շփոթելով սխալմամբ տեղադրել է Տփխիսի մոտ⁵¹:

Ի վերջո, մոտավորապես որտե՞ղ և ե՞րբ է կայացել հայ-վրացական աղբյուրների կողմից անտեսված այս ճակատամարտը: Նախ փորձենք ճշտել ճակատամարտի մոտավոր տեղը: Իբն ալ-Ասիրի, Ռաշիդ ադ-Դինի ու Միրխոնդի պատմածներից⁵² երևում է, որ այն եղել է վրացական թագավորության հարավ-արևելյան սահմանագլխին սահմանից որոշ չափով ներս կամ դուրս: Հավանական է առաջին տարբերակը, քանի որ մոնղոլներին Թավրիզի շրջակայքից Մուղան տանող ամենակարճ ուղին Թավ-

48 Կիրակոս Գանձակեցի, էջ 202:

49 Վրաստանի պատմության ակնարկներ. հ. III, էջ 534 (վրացերեն):

50 Նույն տեղում:

51 Յ. Մ. Буниятов. Ук. соч., с. 115.

52 Իբն ալ-Ասիր. էջ 300, Рашид ад-Дин. Сборник летописей. Т. I, кн. 2-я, с. 227, Միրխոնդ. էջ 99:

րիզ-Ահար-Նակորզան-Բայլական-Պարտավ ճանապարհն էր: Այն, արևելքից շրջանցելով Նախճավանն ու Սյունիքը, անցնում էր Արցախ-Խաչենի հարավ-արևելյան սահմանագլխով: Ճակատամարտը Սյունիքում կայացած լինելու դեպքում դժվար թե վրիպեր Ստեփաննոս Օրբելյանի տեսողաշտից⁵³: Հետևարար, մեզ մնում է պնդել, որ այն տեղի է ունեցել Արցախ-Խաչենի հարավ-արևելյան սահմանագլխում, որի տեղագրությունն ու բնական պայմանները համապատասխանում են Ռաշիդ ադ-Դինի նկարագրությանը:

Այո ճակատամարտի թվագրությունը ևս տարակարծությունների առարկա է: Ըստ Լ. Բաբայանի այն տեղի է ունեցել 1220 թ. դեկտեմբերի սկզբին⁵⁴: Դա ընդունելի է, քանի որ Ջեբեն ու Սուբադայն այդ ժամանակ դեռ Մերվի մոտ էին, երբ առան խորեզմշահ Մուհամադի մահվան լուրը: Ջ. Բուխիյաթովը, այս ճակատամարտը հաջորդի հետ շփոթելով, թվագրում է 1221 թ. հունվարով, իսկ Յու. Ախարովիչին և Հ. Ստեփանյանը՝ 1220 թ. դեկտեմբերի վերջով⁵⁵: Քանի որ հայ-վրացական զորքերի միջև հաջորդ ճակատամարտը կայացել է 1221 թ. հունվարին⁵⁶, իսկ Մերվի մոտից մարտերով Անդրկովկաս հասնելու համար մոնղոլներից զգալի ժամանակ կպահանջվեր, տրամաբանական է պնդել, որ այս ճակատամարտը տեղի է ունեցել կամ 1220թ. դեկտեմբերի վերջին կամ, որ ավելի հավանական է, 1221 թ. հունվարի սկզբին:

Այս ճակատամարտից հետո հայ-վրացական բանակի մնացորդներին հետապնդած մոնղոլները վրացական թագավորությունում առաջանալու անհաջող փորձից հետո⁵⁷ շարժվեցին Մուղան ու բանակեցին Բեղամեջի շրջանում և ոչ թե թափանցելով վրացական թագավորության խորքերը, ասպատակեցին Սոմխիթն ու Հերեթը և Բալխի ջրի մոտ կրկին ճակատամարտ տվեցին ու հաղթեցին Գեորգի Լաշայի գլխավորած հայ-վրացական զորքերին, ինչպես անվարան պնդել է Հ. Ստեփանյանը: Ավելին, Գեորգի Լաշայի ժամանակակից վրաց Անանուն պատմիչին վկայակոչելով նա հավելել է, թե իբր այնուհետև «մոնղոլները հետապնդեցին ու կոտորեցին նահանջող հայ-վրացական զորքերին»⁵⁸: Իրականում Հ. Ստեփանյանի հղած էջում վրաց պատմիչը Բալխի ջրի մոտ հաղթանակը հայ-վրացական զորքերին է վերագրում, նշելով, որ նրանք մոնղոլներին «աստծո հայեցողությամբ և բարեհաճությամբ ու Գեորգի թագավորի առյուծանման վարվեցողությամբ փախուստի մատնեցին և փախչողներին կոտորեցին»⁵⁹:

Մոնղոլներից առաջին ծանր պարտությունը կրելուց հետո վրաց արքունիքը, համոզվելով, որ իրոք դործ ունի ահեղ հակառակորդի հետ, որոշեց հետևել աթաբեկ Ուղբեկի խորհրդին և փորձեց հակամոնղոլական

53 Հմմտ. Լ. Հ. Բ ա բ ա յ ա ն. նշվ. աշխ., էջ 177:

54 Նույն տեղում, էջ 170:

55 З. М. Б у н и я т о в. Ук. соч., с. 115, Ю. М. С и х а р у л и д з е. Ук. соч., с. 16. Հ ր ա չ Ս տ ե փ ա ն յ ա ն. նշվ. աշխ., էջ 301:

56 Ի բ ն ա լ - Ա ս Ի ր, էջ 301:

57 Р а ш и д а д - Д и н. Сборник летописей. Т. I, кн. 2-я, с. 227.

58 Քարթլիս ցխովրբա. հ. I, էջ 370 (վրացերեն): Հ ր ա չ Ս տ ե փ ա ն յ ա ն. նշվ. աշխ., էջ 32:

59 Քարթլիս ցխովրբա. հ. I, էջ 370 (վրացերեն):

դաշինք կնքել իր երեկվա թշնամիների հետ: Այդ նպատակով վրաց արքունիքը բանակցեց Գանձակի աթաբեկ Ուզբեկի և Խլաթի ու Ջաղիրայի տեր ալ-Մալիք-ալ-Աշրաֆի հետ: Վրաց արքունական դեսպանները համապատասխան նամակով ալ-Աշրաֆի մոտ են հասնում այն ժամանակ, երբ նա պատրաստվում էր արշավել Դիամիաթը գրաված և Եգիպտոսին անմիջական վտանգ սպառնացող խաչակիրների դեմ: Չնայած վրաց արքունիքն ալ-Աշրաֆից պահանջում էր անձամբ և զորքով իրենց օգնել հետ մղելու մոնղոլներին, սպառնալով հակառակ դեպքում ընդդեմ նրա միանալ վերջիններին, ալ-Աշրաֆը գերադասում է շարժվել այդ պահին իրական վտանգ ներկայացնող խաչակիրների դեմ, առավել ևս, որ մոնղոլները, ի տարբերություն խաչակիրների, նվաճողական ծրագրեր չունեին: Բայց քանի որ վրաց արքունիքի սպառնալիքն ու մոնղոլական վտանգը ևս անտեսել չէր կարելի, ալ-Աշրաֆը դեսպաններին հայտնում է, որ անհրաժեշտության դեպքում կարող են դիմել հենց նոր (1221 թ. սկզբին) իր կողմից Խլաթի կառավարիչ նշանակված եղբորը՝ Շիհաբ ալ-Դին Ղազիին, և նա զորքով օգնության կհասնի: Ալ-Աշրաֆից փաստական մերժում ստանալուց հետո Գեորգի Լաչան և Ուզբեկը, համաձայնության գալով, որոշում են մոնղոլների դեմ հանդես գալ 1221 թ. գարնանը, ենթադրելով, որ վերջիններս ձմռանն ակտիվ քայլերի չեն դիմի⁶⁰: Սակայն տեղի է ունենում հակառակը: Հավանաբար մոնղոլներին այս ամենը հայտնի է դառնում և նրանք, նախահարձակ լինելով, 1221 թ. հունվարի երկրորդ կեսին ներխուժում են վրացական թագավորության սահմանները: Մոնղոլները գրանով ոչ միայն խանգարում են իրենց գեմ միացյալ հզոր ուժի հանգես գալուն, այլև գլխավոր հակառակորդ վրացական թագավորությանը հանկարծակի են բերում: Վերջինիս վիճակն ավելի է ծանրանում նաև նրանով, որ մոնղոլներն իրենք են զգալի ուժ ներկայացնող դաշնակից ձեռք բերում: Իբրև այսպիսին հանգես է գալիս աթաբեկ Ուզբեկի թյուրք մամուլը և Աղվանքում նրա տեղապահ Ակուչը, որն իր ծառայությունն է առաջարկում մոնղոլներին՝ թուրքմեններից, քրգերից, խալաջներից և մահմեդական այլ ցեղերից հավաքագրված զորքով⁶¹: Ակուչի զորքն ընթանում էր մոնղոլների առջևից, և նրանք հանկարծակիության գործոնն օգտագործելով՝ ասպատակ սփռելով հասնում են Տփիսիսի մատույցները⁶²:

Հայ-վրացական աղբյուրները լռում են Ակուչի հետ կապված դեպքերի մասին: Ըստ Վարդան վարդապետի մոնղոլները «եկին մտին յերկիրն Գուգարացուց առ դաշտաւայրօքն ի կողմանցն Աղուանից...և կտորէին զամենայն կենդանի, զորս գտանէին», իսկ համաձայն Կիրակոս Գանձակեցու, «զոր ինչ գտանեին ի ճանապարհին զամենեսեան սրոյ

60 Ի բ ն ա լ - Ա ս ի ր, էջ 300, 306, 307: Մ ի ր խ ո ն դ, էջ 99:

61 Նույն տեղում: Զ. Բունիյաթովը (З. М. Бун и я т о в. Ук. соч., с. 115) և Հ. Ստեփանյանը (Հ ր ա չ Ս տ Ե փ ա ն յ ա ն. Նշվ. աշխ., էջ 31) ենթադրում են, որ հենց Ակուչն է մոնղոլներին հայտնել վերոհիշյալ բանակցությունների մասին:

62 Ի բ ն ա լ - Ա ս ի ր, էջ 300-301: Մ ի ր խ ո ն դ, էջ 99: Մանր ժամանակագրություններ. հ. I, էջ 37:

ճարակ տային...եւ փոյթ ընգ փոյթ չոգան մինչև ի քաղաքն Տփխիս»⁶³: XIV դարի վրաց Անանուն պատմիչի վկայությամբ մոնղոլները «Հասան Վրաստանի սահմաններին, սկսեցին ասպատակել Գագի երկիրը»⁶⁴, այսինքն Վաչրամյանների իշխանությունը: Եվ իսկապես, Պարտավի ու Բելուկանի միջև գտնվող Բեղամեջում բանակած մոնղոլները և Ակուշի դորքը ձյունաշատ այդ ձմռանը վրացական թագավորության խորքերը կարող էին թափանցել միայն Վաչրամյանների իշխանության տարածքի մեջ մտնող Կուրի աջակողմյան գաշտավայրով, որտեղով ձգվում էր Պարտավ-Տփխիս մայրուղին: Ընգ որում, հակառակորդին անակնկալի բերելու միտումով, նրանք չըջանցել էին իրենց ուղու վրա ընկած քաղաքները և գրանք առժամանակ դերձ էին մնացել ավերվելուց: Վաչրամյան իշխան Վաչրամ Գոգեցին իբրև սահմանապահ կուսակալ պարտավոր էր հետ մղել հակառակորդին: Սակայն դա նրան չէր հաջողվել և մոնղոլական բանակն ու Ակուշի գորքը Վաչրամյանների տիրույթներն ավերելով հասել էին նրանց իշխանության արևմտյան սահմանադրուխթը⁶⁵, անգամ Տփխիսի մատույցները՝ գրավելով ու ավերելով Տփխիսին հարավարևելքից մերձակա Ախոտե բերգը: Վերջինիս գրավումն ու ավերումը հանվանե արձանագրում է Ստեփաննոս եպիսկոպոսը, իսկ Իբն ալ-Ասիրը, Սխոտեի անվանումը չտալով, նշում է, որ «գրավեցին նրանց բերգերից մեկը»⁶⁶: Համոզվելով, որ սեփական ուժերով թշնամուն հետ մղել չի կարող, Վաչրամ Գոգեցին Իվանե աթաբեկի հետ Գեորգի Լաչային տեղեկացնում է «Սոմխիթն ավերելու եկած, անծանոթ լեզվով խոսող օտար ցեղերի մասին»⁶⁷: Թշնամու՝ Սոմխիթ մտնելն ու ասպատակելը փաստում է նաև Գեորգի Լաչայի ժամանակակից վրաց Անանուն պատմիչը, հավելելով նաև Հերեթը⁶⁸:

Գեորգի Լաչան ըստ XIV դարի վրաց Անանուն պատմիչի՝ 90 հազարանոց, իսկ համաձայն Գրիգոր Ակներցու՝ 60 հազարանոց զորքով շարժվում է հակառակորդին ընդառաջ⁶⁹, որն ըստ երևույթին լսելով իր դեմ հայ-վրացական զորքերի շարժվելու մասին՝ շտապ նահանջում է⁷⁰: Դա, անկասկած, Ակուշի բանակն էր, որը վրացական թագավորութուն էր ներխուժել «թաթարների զորքի առջևից»⁷¹ և որը, ինչպես ճիշտ նկատել է Ս. Ուորքերը, անընդհատ անհանգստացնում էր հայ-վրացական բանակին և խոչոր բախումից խուսափելով և նրան ղորաշարժերով հոգնեցնելով

63 Վ ա ռ դ ա ն վ ա ռ դ ա պ ե տ, էջ 142: Կ ի Ր ա կ ո ս Գ ա ն ձ ա կ ե - ց ի, էջ 202:

64 Վրաց ժամանակագրութուն (1207-1318), էջ 55:

65 Նույն տեղում:

66 Մանր ժամանակագրութուններ. հ. I, էջ 37: Ի բ ն ա լ - Ա ս ի Ր, էջ 301:

67 Վրաց ժամանակագրութուն (1207-1318), էջ 55:

68 Նույն տեղում, Քարթլիս ցխովրեբա, հ. I, էջ 370 (վրացերեն):

69 Վրաց ժամանակագրութուն (1207-1318), էջ 55: Գ Ր Ի Գ Ո Ր Ա կ ն ե Ր ց ի, էջ 20: Իրապատում է Գրիգոր Ակներցին: Մանրամասն տես Ա. Ի. Շ ա հ ն ա զ ա Ր - Ե ա ն. նշվ. աշխ., էջ 99, ծան. 2:

70 Վ ա ռ դ ա ն վ ա ռ դ ա պ ե տ, էջ 142: Մանր ժամանակագրութուններ. հ. I, էջ 37, 38, հ. II, էջ 137: Քարթլիս ցխովրեբա, էջ 370 (վրացերեն):

71 Ի բ ն ա լ - Ա ս ի Ր, էջ 301, հմտ. Մ ի Ր Խ ո ն դ, էջ 99:

նահանջում էր⁷²: Գեորգի Լաչալի բանակի բաղկացուցիչ մասն էին կազմում Իվանե աթաբեկի, ամիրսպասալար Ջաքարեի որդի Շահնաշի և մսխուրթ-ուխուցես Վահրամ Գագեցու զորքերը⁷³: Հայ-վրացական բանակի և մոնղոլական ու Ակուշի զորքերի միջև կայացած երկրորդ ճակատամարտի վայրը Իրն ալ-Ասիրը, ալ-Բադդադին ու Միրխոնդը չեն նշում՝ բավարարվելով նրա ընթացքի մանրամասն կամ թուուցիկ նկարագրությամբ: XIV դարի վրաց Անանուն պատմիչի վկայությամբ ճակատամարտը կայացել է «Բերդուջի, որ այժմ Սագիմ է կոչվում, գետափին», իսկ ըստ Գեորգի Լաչալի ժամանակակից վրաց Անանուն պատմիչի՝ Բալիի ջրի ափին⁷⁴: Կիրակոս Գանձակեցին, մոնղոլների Տփլիսի մատույցները հասնելն արձանագրելով հանդերձ, անտեսել է այս ճակատամարտը և բավարարվել Հայ-վրացական և մոնղոլական զորքերի միջև կայացած երրորդ ճակատամարտի հիշատակմամբ: Ինչ վերաբերում է Հայկական մյուս աղբյուրներին (Վարդան վարդապետ, Ստեփաննոս եպիսկոպոս, Մխիթար Այրիվանեցի, Անանուն Սեբաստացի), ապա նրանք այս ճակատամարտի վայրը միահամուռ տեղադրում են Կոտման գետի ափին⁷⁵: Ընդ որում, Գրիգոր Ակներցին, մանրամասն անդրադառնալով ճակատամարտի ընթացքին, նշում է, որ այն տեղի է ունեցել «ի դաշտն մեծ, որ կոչի Կոտման, որ կայ առաջի Տէրունական ըբերդին» և որ Վահրամ Գագեցու զորքի հարձակման հետևանքով «լցավ դաշտն Սագամայ կոտորեալ Տաթարով»⁷⁶: Որ Կոտման – Սագիմ (Բերդուջի) – Սագամ – Ջաքամ համարժեքությունը կասկածից վեր է, ժամանակին ասլացուցել ենք⁷⁷: Այժմ փորձենք ճշտել, թե որն է Բալիի ջուրը (գետը), որի ափին, ըստ Գեորգի Լաչալի ժամանակակից վրաց Անանուն պատմիչի, տեղի է ունեցել այս ճակատամարտը: Դրա համար համադրենք այս ճակատամարտի մասին վրաց պատմիչի, Վարդան վարդապետի և Ստեփաննոս եպիսկոպոսի հաղորդած տեղեկությունները:

Համաձայն Գեորգի Լաչալի ժամանակակից վրաց Անանուն պատմիչի՝ «ինչ որ օտարասերմ զորքեր եկան Սոմխիթ ու Հերեթ և փոքր ինչ վնասվեցին նրանցից: Հետ դարձածներին հասավ (Գեորգի Լաչան–Ա. Շ.) Բալիի ջրի վրա և առաջին վիրավորվելը նրանցից եղավ»:⁷⁸ Այս անցքերը Վարդան վարդապետը նկարագրում է այսպես. «Զոր ինչ օտարաղևմ և այլալեզու...եկին մտին յերկիրն Գուգարացւց, և փուլթով դառնային: Զորոց հետ մտեալ ամենայն ուժով Լաչն (Գեորգի Լաչան–Ա. Շ.) հասանէ առ գետովն Կոտմանայ»⁷⁹: Ստեփաննոս եպիսկոպոսն էլ գրում է. «Ջաբա, Սաբա բահատուրն եկն ի Տփլեսաց [տու]նն զՍախոտե ավիրեաց և դար-

72 С. С. У о р к е р. Ук. соч., с. 164.

73 Վրաց ժամանակագրություն (1207-1318), էջ 55-56:

74 Նույն տեղում, էջ 56:

75 Վ ա ղ ա ն վ ա ղ ա պ ե տ, էջ 142: Մանր ժամանակագրություններ. Հ. I, էջ 37: Մ խ ի թ, ա ղ Ա յ Ր ի վ ա ն ե ց ի, էջ 80: Մանր ժամանակագրություններ. Հ. II, էջ 137: Գ Ր Ի գ ո Ր Ա կ ն ե ր ց ի, էջ 21:

76 Գ Ր Ի գ ո Ր Ա կ ն ե ր ց ի, էջ 21:

77 Ա. Ի. Շ ա հ ն ա գ ա ղ յ ա ն. նշվ. աշխ., էջ 94-99:

78 Քարթլիս ցխովրեբա. Հ. I, էջ 370 (վրացերեն):

79 Վ ա ղ ա ն վ ա ղ ա պ ե տ, էջ 142:

ձաւ: Ձաւըն Վրաց ի Հետ գնաց և ի Կոտմանա կոտորեաց և բարձոյ[ց]»⁸⁰: Ինչպես տեսնում ենք, երեք պատմիչն էլ (չհաշված Իրն ալ-Ասիրը) անկախարար տառացիորեն նույն կերպ են ներկայացրել հայ-վրացական և մոնղոլական ու նրանց միացած Սկուշի զորքերի միջև կայացած ճակատամարտին նախորդած իրադարձությունները: Նույնն է նաև մոնղոլական ու Ակուշի զորքերի արշավանքի աշխարհագրությունը՝ Գուդարքը և «Տփխեաց տունը» մտնում էին Սոմխիթի մեջ, որն ընդգրկում է ինչպես Հյուսիսային Հայաստանը, այնպես էլ Հարավային Վրաստանը: Իսկ ինչ վերաբերում է Հերեթին, ապա քանի որ այն Հայաստանի մեջ չէր մտնում, Վարդան վարդապետն անկարևոր համարելով կամ չիմանալով՝ կարող էր չհիշատակել: Հետևաբար, խոսքը նույն ճակատամարտի մասին է, որը վրաց պատմիչը տեղադրում է Բալիի ջրի ափին, իսկ Վարդան վարդապետը և Ստեփաննոս եպիսկոպոսը՝ Կոտման գետի: Եվ քանի որ Կոտման – Սադիմ (Բերդուշի) – Աագամ = Ջագամ համարժեքությունը կասկածից վեր է, մնում է պնդել, որ Բալիի ջուրը նույն Կոտման – Աագիմ (Բերդուշի) – Սադամ – Ջագամն է կամ դրա մոտակայքով հոսող մի գետ, որի ափին հայ-վրացական զորքը հասավ մարտերով նահանջող հակառակորդին: Նահանջողներն, անկասկած, հիմնականում Ակուշի հրոսակներն էին, որովհետև մոնղոլական գլխավոր ուժերը բանակել էին Կոտմանի դաշտում: Քանի որ հայ-վրացական աղբյուրներին հայտնի չէ մոնղոլական բանակի շարքերում Ակուշի զորքերի կովերը, նրանք ճակատամարտի ընթացքը պարսկա-արաբական աղբյուրներից առաջին հայացքից են այլ կերպ նկարագրում: Այսպես, օրինակ, XIV դարի վրաց Անանուն պատմիչն այս ճակատամարտին անդրադառնալիս նկատում է, որ «թաթարների կեսը փախուստի դիմեց, կեսն էլ դարանակալ եղավ, հետապնդեցին»⁸¹: Իրականում, սկզբում հայ-վրացական զորքի հետ մարտի մեջ էին մտել Ակուշի հրոսակները, որոնք, չնայած ծանր կորուստներ կրելուն, իրենց խնդիրը հաջողությամբ կատարեցին, այն է՝ մարտերով նահանջելով և հայ-վրացական բանակին զգալի կորուստներ պատճառելով ու հոգնեցնելով հասցրին Կոտմանի դաշտ, որտեղ, ասես դարանում, նրանց սպասում էր մոնղոլական թարմ ուժերով բանակը: Ահա թե ինչպես են նկարագրում այս ճակատամարտը Իքն ալ-Ասիրն ու Միրխոնդը: Նրանցից առաջինը գրում է. «Ակզբում Ակուշը ընդհարվեց նրանց (հայ-վրացական զորքի–Ա. Ծ) հետ այն մարդկանցով, որոնք հավաքվել էին իր շուրջը: Սաստիկ կռիվ եղավ, որի ընթացքում երկու կողմերն էլ դիմացան և Ակուշի մարդկանցից շատերը սպանվեցին: Վրա հասան թաթարները, երբ վրացիք արդեն հոգնել էին կռվից: Նրանցից շատերը կոտորվեցին ու չգիմացան թաթարների առջև խայտառակ պարտություն կրելով և ամեն կողմից սրի մատնվելով»: Այս նույն դեպքերի մասին Միրխոնդը հետևյալն է պատմում. «Որտեղով որ նրանք (Ակուշի հրոսակները–Ա. Ծ.) անցան՝ ավերեցին և վրացիների ազնվականներից մեծաթիվ մարգիկ մարտերում կոտորվեցին: Եվ հանուն արդարության պետք է ասել, որ մարտերի ընթացքում Ակուշի զորքից էլ շատերը զոհվեցին: Եվ

80 Մանր ժամանակագրություններ. հ. I, էջ 37:

81 Վրաց ժամանակագրություն (1207-1318), էջ 56:

կուզի ընթացքում մոնղոլական հրամանատարները օգնության հասան Ակուշին ու վրացիներին պարտության մտտնեցին»⁸²:

Այս ճակատամարտը Վարդան վարդապետն ու Գրիգոր Ակներցին համահունչ են նկարագրում, չնայած առաջինը դեպքերը համառոտ է ներկայացնում: Նրանց հաղորդումներից պարզվում է, որ մարտի ընթացքում հայ-վրացական զորքի ձախ թևը ղեկավարում էր Իվանե աթաբեկը, իսկ աջը՝ Վահրամ Գազեցին: Երբ մարտը սկսվում է, Մանասգոմի տեր Համիդուլան «յաղագս քինու ինչ, ջլատեաց զձին Աթաբակ Իւանէի»⁸³, ինչը շփոթուցում է առաջացնում հայ-վրացական բանակի ձախ թևում: Դա նկատելով մոնղոլները կրկնակի եռանդով հարձակվելով ջախջախում են այդ թևը, որը Գեորգի Լաչայի ու Իվանե աթաբեկի հետ փախչում է: Իրադարձությունների հետագա զարգացմանը քաջածանոթ, XIV դարի վրաց Անանուն պատմիչը ուներ բոլոր հիմքերը փաստելու. «Ակսվեց բարձր ու անվանի գավթյան հաղթող գրոշի երջանիկ ճակատագրի անկումը»⁸⁴: Դրան հակառակ, աջ թևում գործող Վահրամ Գազեցին «մինչև յերեկոյն գնաց կոտորելով զՏաթարն յանխնայ յարձակմամբ, մինչև առհասարակ լցաւ դաշտն Սագամայ կոտորեալ Տաթարով»⁸⁵: Ընդ որում, Վահրամ Գազեցու գլխավորած զորքի հարձակումն այնքան սրընթաց էր եղել, որ նա ձախ թևի փախուստի մասին միայն երեկոյան Գարդման հասնելուց հետո է իմանում և խիստ վշտանալով ամբանում Քարհերձ բերգում⁸⁶: Այս ճակատամարտում հայ-վրացական զորքերի կորուստների մասին տվյալներ են պահպանվել Հռոմի պապ Հոնորիոս III-ին Ռուսուգան թագուհու և Իվանե աթաբեկի գրած նամակներում ու ալ-Բադդադի մոտ: Ռուսուգան թագուհին և Իվանե աթաբեկը կորուստները հաշվում են 6 հազար, իսկ ալ-Բադդադին նշում է, որ սպանվել էին 8 հազար ընտիր մարտիկներ և բազմաթիվ հպատակներ ու գյուղացիներ⁸⁷: Արժանահավատ են այս իրադարձությունների ժամանակակից և դրանք անաչառ ներկայացնող ալ-Բադդադի տվյալները, որովհետև Ռուսուգան թագուհին և Իվանե աթաբեկն այս նամակներում հաճախ ցանկալին իբրև իրականություն են ներկայացրել:

Ճակատամարտից հետո մոնղոլներն ու Ակուշի հրոսակները «կողոպտեցին երկրի այն մասերը, որոնք նախապես չէին կողոպտվել» հասնելով Սամշիլիդե⁸⁸: Այսպիսով ասպատակվեցին հայկական շրջանները, որովհետև մոնղոլները Սամշիլիդեից հետ դարձան:

82 Ի Ր Ն ա լ - Ա ս Ի Ր, էջ 301: Մ Ի Ր Ի ս ո ն դ, էջ 99:

83 Գ Ր Ի գ ո Ր Ա կ ն ե ր ց Ի, էջ 21, հմմտ. Վ ա Ր գ ա ն վարդապետ, էջ 142:

84 Վ ա Ր գ ա ն վ ա Ր գ ա պ ե տ, էջ 142: Վրաց ժամանակագրություն(1207-1318), էջ 56: Յու. Մխարրուլիձեն Կոտմանի և Խունանի ճակատամարտերը նույնացնելով ու դրանց ընթացքը միահյուսելով սխալմամբ պնդում է, թե իբր Վահրամ Գազեցու դեմ գործող մոնղոլական զորքը դիտմամբ է նահանջել՝ խնդիր ունենալով կտրել հայ-վրացական բանակի աջ թևը (Ю. М. С и х а р у л и д з е. Ук. соч., с. 17):

85 Նույն տեղում:

86 Գ Ր Ի գ ո Ր Ա կ ն ե ր ց Ի, էջ 21-22:

87 Ի. Մ. Տ ա բ ա ղ ու ա. նշվ. աշխ., էջ 177, 178 (վրացերեն), Мацне, 1982, N 4, с. 162.

88 Ի Ր Ն ա լ - Ա ս Ի Ր, էջ 301: Վրաց ժամանակագրություն (1207-1318), էջ 56:

Այս ճակատամարտի վայրի տեղադրությունը ևս վիճելի է: Կ. Դ'Օսսոնը, Ռ. Գրուսսեն, Ս. Ուորքերը, Ռ. Կիկնաձեն և Հ. Ստեփանյանը այն տեղադրել են Տիֆլիսի մոտ, Բ. Շպուլերը՝ Գագի, Վ. Ալենը՝ Խունանի մոտ, իսկ Լ.Բաբայանը՝ Կոտմանի դաշտում, իրավացիորեն հստակ տարբերակելով Կոտմանի և դրանից հետո կայացած Խունանի ճակատամարտերը⁸⁹: Հետազոտողներից ոմանք էլ (Հ. Մանանդյան, Գ. Ալթունյան, Զ. Բունիյաթով, Դ. Մուսխելիշվիլի, Յու. Սիխարուլիձե, Ն. Շոշիաշվիլի, Բ. Ուլուբաբյան) այս և դրան հաջորդած Խունանի ճակատամարտերը նույնացրել են հաճախ մարտադաշտերի տարանունությունը բացատրելով դրանց մերձակայությունը⁹⁰: Այս պատճառաբանությունն անընդունելի է, որովհետև Կոտմանի = Ջաղամի և Խունանի = Հունարակերտի դաշտավայրերի «մոտիկությունը» մի քանի տասնյակ կիլոմետրով է չափվում: Բացի այդ, Կոտմանի ճակատամարտը Վարդան վարդապետի հավաստմամբ տեղի է ունեցել Վահրամյանների տիրույթներում⁹¹, մինչդեռ Խունանը երբեք նրանց չի պատկանել⁹²:

Հետազոտողները համակարծիք չեն նաև այս ճակատամարտի թվագրության հարցում: Կ. Դ'Օսսոնը, Ռ. Գրուսսեն, Բ. Շպուլերը և Ս. Ուորքերն այն թվագրել են 1221 թ. փետրվարով, Շ. Լըմերսիեն՝ 1221 թ. մարտով, իսկ Հ. Մանանդյանը, Լ. Բաբայանը, Ռ. Կիկնաձեն, Յու. Սիխարուլիձեն և Հ. Ստեփանյանը՝ 1221 թ. հունվարով, հենվելով իբն ալ-Ասիրի վկայությունների վրա⁹³: Վերջին թվագրությունը լիովին ընդունելի է, քանի որ իբն ալ-Ասիրն այս շրջանի իրադարձությունները, իբրև ժամանակակից, առավել իրապատում ու անխոցելի ժամանակագրություն է ներկայացնում:

Կոտմանի ճակատամարտից հետո մոնղոլներն իրենց ճանապարհին ընկած հայկական շրջանները կողոպտելով՝ վերադարձան Մուղան⁹⁴: Գար-

89 К. Д'Оссон. Ук. соч., с. 187; R. Goussé. L'Empire Mongol, p. 258. С. С. Уоркер. Ук. соч., с. 164. Վրաստանի պատմության ակնարկներ. Հ. III, էջ 536 (վրացերեն): Հրաչ Մտեփանյան. նշվ. աշխ., էջ 34: Bertold Spuler. Op. cit., p. 25; W. E. D. Allen. Ук. соч., с. 110; Լ. Հ. Բաբայան. նշվ. աշխ., էջ 171:

90 Հ. Մանանդյան. նշվ. աշխ., էջ 183, Գ. Ալթունյան. նշվ. աշխ., էջ 17, Յ. Մ. Буниятов. նշվ. աշխ., էջ 115. Д. М. Мусхелишвили. Из исторической географии Восточной Грузии. Тбилиси, 1982, с. 6-7; Ю. М. Сихарулидзе. Ук. соч., с. 17. Գրիգոր Ակնեբրցի. Պատմություն ազգին նետողաց, հրատարակությունը Ն. Շոշիաշվիլու. Թբիլիսի, 1961, էջ 92-93 (վրացերեն): Բ. Ա. Ուլուբաբյան. նշվ. աշխ., էջ 181-182:

91 Վարդան վարդապետ, էջ 142:

92 Մանրամասն տե՛ս Ա. Ի. Շահնազարյան. նշվ. աշխ., էջ 91-100:

93 К. Д'Оссон. Ук. соч., с. 188; R. Goussé. L'Empire Mongol, p. 258; Bertold Spuler. Op. cit., p. 25; С. С. Уоркер. Ук. соч., с. 162; Ch. Lemerrier-Quelqeyay. Lapaix mongol: Goug thatar ou paix mongol? Flammarion, 1970, p. 9; Հ. Մանանդյան. նշվ. աշխ., էջ 184: Լ. Հ. Բաբայան. նշվ. աշխ., էջ 173: Վրաստանի պատմության ակնարկներ. Հ. III, էջ 536 (վրացերեն): Ю. М. Сихарулидзе. Ук. соч., с. 17. Հրաչ Մտեփանյան. նշվ. աշխ., էջ 34: Իբն ալ-Ասիր, էջ 301:

94 Կիրակոս Գանձակեցու համաձայն մոնղոլները «եկին իջին յաշխարհն Աղուանից ի սահմանս Շամքոր քաղաքի». իսկ նրանց քոչերը գտնվում էին Բեղամեջում (Կիրակոս Գանձակեցի, էջ 202, 203):

նանը նրանք շարժվեցին դեպի Մարաղա և 1221 թ. ապրիլ-նոյեմբեր ընկած ժամանակամիջոցում գրավեցին, ավերեցին, սրի քաշեցին ու կողոպտեցին Մարաղան, Նախճավանը, Սարաուն, Արդաբիլը, Համադանը, Խոյը, Սալմաստն ու Բայլականը և դրանց շրջակայքը: Թավրիզն ու Գանձակը վրկազնով փրկվեցին⁹⁵:

Իրն ալ-Ասիրի վկայութեամբ «երբ թաթարները իրենց գործը վերջացրին մահմեդական երկրներում՝ Ատրպատականում և Առանում... շարժվեցին դեպի վրաց (քուրջ) երկիրը... Վրացիք (քուրջերը) նրանց դեմ պատրաստվել էին և մեծ զորք էին հավաքել իրենց երկրի սահմանային կողմերում, որպեսզի թաթարներին արգելեն ներս մտնել»⁹⁶: Նույնն է հաղորդում Միրխոնդը. «Այս ընթացքում (Գանձակի պաշարման ժամանակ - Ա. Շ.) մոնղոլ հրամանատարներին լուր հասավ, որ վրացիները զորք են հավաքել և պատրաստվում են պատերազմի: Հետևաբար, իրենց ուշադրությունը սևեռեցին նրանց վրա»⁹⁷: Ռաշիդ ադ-Դինն իր հերթին սխալմամբ պնդելով, թե իբր մոնղոլները գրավեցին ու լիովին ավերեցին Գանձակը, գրում է, որ «նրանք այդտեղից ուղղվեցին Գուրջիստան [Վրաստան], իսկ նրանք իրենց զորքը [մարտական] կարգի բերելով պատրաստվեցին մարտի»⁹⁸: Աղբյուրներում որոշակի տարակարծություն կա, քանի որ ըստ Իբն ալ-Ասիրի ու Միրխոնդի հայ-վրացական կողմը նախօրոք էր զորք հավաքել, իսկ համաձայն Ռաշիդ ադ-Դինի մոնղոլների վրացական թագավորությունը շարժվելուց հետո: Կարծում ենք, որ իրապատում են առաջին երկու պատմիչները, որովհետև վրաց արքունիքին չէր կարող հայտնի չլինել մոնղոլների զորաշարժերի ընթացքը: Եթե Իբն ալ-Ասիրը նկատի ունենար ոչ թե բուն Վրաստանը, այլ վրացական թագավորության արևելյան սահմանագլուխը, ինչպիսին էր Շամքոր քաղաքն իր շրջակայքով⁹⁹, ապա հայ-վրացական և մոնղոլական զորքերի հերթական երրորդ ճակատամարտը պետք է տեղի ունենար Վահրամյանների իշխանության մասը կազմող Շամքորի շրջանում: Մինչդեռ, այն տեղի ունեցավ նրանց տիրույթների մեջ չմտնող «ի դաշտավայր տեղիս, զոր Խունանն անուանեն»¹⁰⁰: Հետևաբար, Իբն ալ-Ասիրը նկատի է ունեցել բուն Վրաստանը, քանի որ Խունան-Հունարակերար գտնվել է հայ-վրացական ավանդական սահմանագլխին: Այդտեղ մոնղոլական զորքը կարող էր հասնել Գանձակ-Տփիսիս ճանապարհով: Խունանի ճակատամարտում հայ-վրացական բանակի թվաքանակի մասին տեղեկություններ չեն հասել¹⁰¹: Կիրակոս Գանձակեցին հայտնում է, որ

95 Նույն տեղում, էջ 302-303, 307: P a ш и д а д - Д и н. Сборник летописей. Т. I, кн. 2-я, с. 227-228 (Ռաշիդ ադ-Դինը սխալվում է գրելով, որ Գանձակը գրավվել ու ավերվել է): Հմմտ. Միրխոնդ, էջ 99-101, G u v a i n i, t, I, p. 148.

96 Իբն ալ-Ասիր, էջ 303-304:

97 Միրխոնդ, էջ 101:

98 P a ш и д а д - Д и н. Сборник летописей. Т. I, кн. 2-я, с. 228.

99 Վրաստանը Խուսթավելու դաշտը շրջանում. Թրիսի, 1966, էջ 58 (վրացերեն):

100 Կիրակոս Գանձակեցի, էջ 203:

101 Կ. Դ'Օստոնը այս բանակի թվաքանակը 13 հազար է հաշվում (К. Д'Ос-со н. Ук. соч., с. 191), ինչը չի համապատասխանում իրականությանը, քանի որ ճակատամարտի ընթացքում նրա տված զոհերի թիվն անհամեմատ շատ էր:

ճակատամարտի ժամանակ այն գլխավորում էին Գեորգի Լաչան ու Իվանե աթարեկը, մինչդեռ Իրն ալ-Ասիրի և Միրխոնդի Համաձայն Գեորգի Լաչան մնացել էր Տիխիսում¹⁰²: Մարտից առաջ մոնղոլները դիմում են իրենց սիրած գարանի մարտաձևին: Ջեբեն Հինգ Հազար հոգով դարան է մտնում, իսկ Սուբադային գորքի մնացած մասով մարտի է ուղարկում: Ըստ Ռաշիդ ադ-Դինի, Սուբադայի գորաբանակը մարտի հենց սկզբից դիտամաբ փախուստի է դիմում, մինչդեռ Համաձայն Կիրակոս Գանձակեցու և Միրխոնդի դա կատարվում է Հայ-վրացական գորքի ճնշման տակ¹⁰³: Վերջինիս պնդմամբ «առաջին ընդհարման ժամանակ (Հայ-վրացական ու Սուբադայի գորքերի – Ա. Շ.) թաթարական գորքը վրացական «հույսակա-վորներից (ազնաուրներից–Ա. Շ.) պարտվեց ու փախուստի դիմեց և վրացիներն առաջ գալով սկսեցին թալանով զբաղվել»¹⁰⁴: Կիրակոս Գանձակեցին իր հերթին պատմում է, որ ճակատամարտից հետո մոնղոլները հավաքեցին Հայ-վրացական գորքի ավարը և տարան իրենց բանակատեղը («ժողովեալ թշնամեացն զաւար զօրուն տարան ի բանակս յուրէանց») ¹⁰⁵: Սա հենց այն ավարն էր, որ Հայ-վրացական գորքին էր անցել Սուբադայի գորաբանակին հաղթելուց հետո թալանով զբաղվելիս, քանի որ այն սեփական երկրում կողոպուտ արած էր լինի: Եթե ուսումնասիրողները նկատի ունենային, որ խոսքերի վրա ուղարկված զարձնեին ու դրանք Համադրեին Միրխոնդի ասածների հետ, ապա դժվար թե կոտմանի և խոսքերի ճակատամարտերի ընթացքը նույնացնեին: Երբ Հայ-վրացական բանակը մարտն ավարտված համարելով զբաղված էր թալանով, Ջեբեն դարանից դուրս եկավ, իսկ Սուբադայը հետ դարձավ և նրանք Հայ-վրացական գորքը շրջապատելով գլխովին ջախջախեցին սպանելով 30 հազար հոգու, ինչը չափազանցված է թվում¹⁰⁶: Հայ-վրացական գորքի մնացորդները փախան Տիխիս¹⁰⁷: Հետագոտողները այս ճակատամարտը թվագրում են 1221 թ. վերջով–1222 թ. ձմեռով¹⁰⁸: Ընդունելի թվագրումը 1221 թ. վերջն է, քանի որ մոնղոլները մինչև 1221 թ. նոյեմբեր զբաղված էին Ատրպատականն ու Աղվանքն ասպատակելով, որտեղից էլ անմիջապես մտել են վրացական թագավորություն¹⁰⁹:

102 Կիրակոս Գանձակեցի, էջ 203: Իբն ալ-Ասիր, էջ 304: Միրխոնդ, էջ 101:

103 Рашид ад-Дин. Сборник летописей. Т. I, кн. 2-я, с. 228, Կիրակոս Գանձակեցի, էջ 203: Միրխոնդ, էջ 101, Սևորքերը Սուբադայի մարտի մեջ մտած զորագունդը հաշվում է 25 հազար, ելնելով Անդրկովկաս մտած մոնղոլական գորաբանակի թվաքանակն ըստ որոշ աղբյուրների 30 հազար կազմելու մասին տվյալներից (С. С. Уоркер. Ук. соч., с. 167):

104 Միրխոնդ, էջ 101:

105 Կիրակոս Գանձակեցի, էջ 203:

106 Сборник материалов, относящихся к истории Золотой Орды. Т. II, с. 30. Կիրակոս Գանձակեցի, էջ 203: Միրխոնդ, էջ 101: Իբն ալ-Ասիրն անգամ պնդում է, որ Հայ-վրացական գորքից մի հոգու էր հաջողվել փրկվել (Իբն ալ-Ասիր, էջ 304):

107 Միրխոնդ, էջ 101:

108 Լ. Չ. Բաբայան. նշվ. աշխ., էջ 180: Վրաստանի պատմության ակնարկներ. Կ. III, էջ 536 (վրացերեն): Հրաչ Ստեփանյան. նշվ. աշխ., էջ 36 և ուրիշներ:

109 Իբն ալ-Ասիր, էջ 302-303, 307: Միրխոնդ, էջ 99:

Կիրակոս Գանձակեցու «ժողովեալ թշնամեացն զաւար զօրուն տարան ի բանակս իւրէանց»¹¹⁰ և Գեորգի Լաշայի ժամանակակից վրաց Անանուն պատմիչի «մոնղոլները կանգ առան Պարտավի դաշտում» արտահայտութիւններից հետևում է, որ ճակատամարտից հետո մոնղոլները վերադարձել էին իրենց հիմնական բանակատեղը՝ Պարտավի և Բելուկանի միջև գտնվող Բեղամեջ կոչվող վայրը¹¹¹: Վարդան վարդապետի Համաձայն, 1222 թ. «կամեցան այսրէն դառնալ նոյնք (մոնղոլները – Ա. Շ.), այլ զի գտին դեսպանք նոցա կազմ և հաւաք զՀայս և զՎիրս, և տարեալ զՀամբաւն ոչ համարձակեցան զալ, այլ անդրէն դարձեալ գնացին, յո և գնացին»¹¹²: Նույն է պնդում նրանից օգտված Անանուն Սեբաստացին, Հայտնելով, որ 1222 թ. «կամեցաւ Թաթարն դառնալ աշխարհն Վրաց և Հայոց և զի կազմէին զօրք Հայոց և Վրաց ոչ իշխեցին»¹¹³: Կիրակոս Գանձակեցին իր հերթին նշում է, որ «դարձեալ միւս անդամ զօր ժողովեալ թագաւրին վրաց ևս բազում, քան զառաջինն, կամեցեալ տալ մարտ պատերազմի ընդ թշնամիսն: Իսկ նոցա...կամեցան անցանել ընդ դուռն Դաբբանդայ յաշխարհն իւրեանց»¹¹⁴: Այսպիսով, առաջին երկու աղբյուրների համաձայն մոնղոլները վախենալով չեն մտել վրացական թագավորութեան տարածք, իսկ ըստ վերջինի այդպես են վարվել առանց որևէ պատճառի: Բոլոր դեպքերում, երբք աղբյուրն էլ պնդում են, որ մոնղոլները խնայանի ճակատամարտից հետո նորից վրացական թագավորութիւնն չեն ներխուժել, ինչը իրականութեանը չի համապատասխանում: Անդրադառնալով այս դեպքերին, Գեորգի Լաշայի ժամանակակից վրաց Անանուն պատմիչը գրում է, որ «երկրորդ տարում (1222 թ. – Ա. Շ.) կրկին եկան (մոնղոլները – Ա. Շ.) և կանգ առան Պարտավի դաշտում: Հավաքվեց նրա (Գեորգի Լաշայի – Ա. Շ.) թագավորութիւնը, միացավ Կարին քաղաքի զօրքը և կանգնեց Լոմթա-Գորայի ու Ագարայի միջև: Եվ մինչև վրա հասնելը փախան (մոնղոլները – Ա. Շ.) և փրկվեցին, անցան Դերբենտի ճանապարհը»¹¹⁵: Այս հաղորդումը ոչ մի տրամաբանութեան չի ենթարկվում թեկուզ այն պարզ պատճառով, որ Լոմթա-Գորան այժմյան Մառնեուլն է, իսկ Ագարան գտնվել է այժմյան Ստեփանավանի ենթաշրջանում՝ Լոռե բերդի մերձակայքում¹¹⁶: Ինչու պետք է այս բնագծում պաշտպանութեան անցած Հայ-վրացական և նրանց միացած Կաբինի տեր Մուզիս ալ-Դինի զօրքերից տասնյակ կիլոմետրերով հեռու գտնվող մոնղոլները փախչեին, երբ հակառակորդն իրենց հետ անմիջական շփման մեջ մտնելու նպատակով որևէ քայլ չէր ձեռնարկում:

110 Կիրակոս Գանձակեցի, էջ 203:

111 Քարթլիս ցխովրեբա. հ. I, էջ 370 (վրացերեն):

112 Վարդան վարդապետ, էջ 142:

113 Մանր ժամանակագրութիւններ. հ. II, էջ 137:

114 Կիրակոս Գանձակեցի, էջ 203:

115 Քարթլիս ցխովրեբա. հ. I, էջ 370 (վրացերեն):

116 Ագարայի տեղագրութեան մասին տե՛ս Հ. Գ. Մարգարյան. Հյուսիսային Հայաստանի և Վրաստանի ժԲ դարի պատմութեան մի քանի հարցեր. Երևան, 1980, էջ 168-175:

Լոմթա–Գորա–Ագարա բնագծում Գեորգի Լաչայի զորքերի կանգ առնելը մտածել է տալիս, որ մոնղոլները ոչ թե Պարտավի դաշտում (=Բեղամեջում) կայանած էին, այլ մտել էին երկիր և շարժվում էին առաջ: Դա վրաց արքունիքին ստիպել էր հակառակորդի առաջխաղացումը կասեցնել հենց այս բնագծում, որի հաղթահարման դեպքում մոնղոլները Լոռե–Սամշվիլի–Գմանիս–Տփլիս ճանապարհով անարգել ոչ միայն բուն Վրաստան կմտնեին, այլև Տփլիսին իրական վտանգ կսպառնար, ինչն անտեսել չէր կարելի մինչ այդ մոնղոլների Սամշվիլի դե հասնելը հաշվի առնելով¹¹⁷: Այս պնդումը հաստատվում է իրն ալ-Ասիրի պատմածով, ըստ որի իսլամական ճակատամարտից հետո Գեորգի Լաչան նոր զորախմբեր է ուղարկում մոնղոլների դեմ, որպեսզի խափանի երկրի կենտրոնական մասերը նրանց մտնելը: Սակայն դա նրանց չի հաջողվում, և նրանք երկիրը դատարկելով վերադառնում են Տփլիս¹¹⁸: Այս պայմաններում վրաց արքունիքին մնում էր մոնղոլների ավերածություններին ենթարկվող շրջանները հակառակորդի ոգորմածությունը հանձնելով գոնե հոգալ բուն Վրաստանի և Տփլիսի անվտանգությունը, ինչը և արվում է՝ Լոմթա–Գորա–Ագարա բնագծում պաշտպանության անցնելով: Սակայն մոնղոլական բանակի առաջխաղացումը, որն ուղեկցվում էր կոտորածով, կողոպուտով ու ավերածությամբ, հակառակորդի հետ զինական բախմամբ չավարտվեց: Իրն ալ-Ասիրի խոսքով ասած՝ «իրենց ուզածն արած» մոնղոլները, «տեսնելով, որ երկիրը շատ կիրճեր ու լեռնանցքներ ունի, չհամարձակվեցին խորքերը թափանցել ու ետ դարձան: Վրացիների սիրտը մեծ վախ ընկավ»¹¹⁹: Միրխոնդն էլ մոնղոլների հետ քաշվելը բացատրում է ճանապարհների անանցանելիությամբ, ավելացնելով, որ «վրացիների վրա թաթարական զորքը մեծ սարսափ էր տարածել»¹²⁰: Իսկ ալ-Բաղդադին, որն այս իրադարձությունների ժամանակ Կաբինում է եղել, Կաբինի տիրոջ զորքի հայ-վրացական բանակին օգնության հասնելը հաստատելով դրում է. «Մարդիկ սկսեցին խոսել, որ նրանք (մոնղոլները – Ա. Շ.) այլևս չեն վերադառնա: Բայց երբ վրացիների հզորությունը մեծացավ, թաթարներն առանց որևէ տեսանելի պառհառի ու վտանգի հեռացան... Դա եղավ [վեց հարյուր] տասնութ թվին (=25 Մ. 1221 թ–14. Մ. 1222 թ.)»¹²¹: Այսպիսով, պարսկա-արաբական աղբյուրները թույլ են տալիս պնդելու, որ իսլամական ճակատամարտից հետո ես մոնղոլները 1222 թ. սկզբին ներխուժել են վրացական թագավորության տարածք՝ նպատակ ունենալով հասնել երկրի կենտրոնական շրջանները, բայց հետ են քաշվել ոչ թե հակառակորդի հետ բախումից երկյուղելով, այլ իրենց բնորոշ զգուշավորությունը դրսևորելով: Չպետք է մոռանալ, որ նրանց նպատակները ոչ թե նվաճողական էին, ինչպես կարծել է Մ.Պերչերոնը¹²², այլ հետախուզական, ինչը հաջողությամբ կատարել էին: Վերն ասվածի լույ-

117 Վրաց ժամանակագրություն (1207-1318), էջ 56:

118 Ի բ ն ա լ - Ա ս ր ի, էջ 304:

119 Նույն տեղում:

120 Մ ր ի խ ո ն դ, էջ 101:

121 Маџне, 1982, N 4, с. 162.

122 M. P e r c h e r o n. Gengis-Khan. Paris, 1962, p. 155.

սի տակ Կ. Դ' Օսսոնն ու Վ. Ալենը միանգամայն իրավացի են, գտնելով, որ մոնղոլները կրկին վերադարձան, բայց հայ-վրացական կողմը չհամարձակվեց նրանց մարտ տալ, իսկ մոնղոլներն իրենց հերթին զգուշանալով չխորացան երկրի խորքերը¹⁻³: Հետևաբար, Յու. Սիխարուլիձեն վրիպել է, պնդելով, թե իբր հայ-վրացական (ըստ նրա՝ վրացական) զորքերը հետապնդել ու Գանձակի մոտ հաղթել են մոնղոլներին, որոնք այնուհետև հեռացել են Մուղանի իրենց ձմեռանոցը¹⁻⁴: Իրականում, այդպես էլ չհաղթված մոնղոլները վրացական թագավորությունից մտան Շիրվան և պաշարեցին նրա մայրաքաղաք Շամախին: Այն գրավելուց ու ավերակույտի վերածելուց հետո նրանք անցան Հյուսիսային Կովկաս և ճանապարհին հանդիպած բոլոր տեսակի արգելքները հեշտությամբ հաղթահարելով հասան հայրենիք, լիովին ու սահմանված ժամկետում կատարելով իրենց տիրակալի առաջադրանքը¹⁻⁵: Այսպիսով, թիկունքից կտրված փոքրաթիվ այս զորաբանակը գլխովին ջախջախեց իրեն դիմադրելու փորձ կատարած բոլոր ուժերին՝ մահ, կողոպուտ ու ավեր սփռելով իր ճանապարհին ընկած մեծ ու փոքր բնակավայրերում և դրանց չըջակալքում:

РАЗВЕДЫВАТЕЛЬНЫЙ ПОХОД МОНГОЛОВ В ЗАКАВКАЗЬЕ
(1220—1222 гг.)

АРТАШЕС ШАХНАЗАРЯН

Резюме

Разведывательный поход монголов (1220—1222 гг.) в Закавказье — одна из примечательных страниц векового военно-политического содружества армянского и грузинского народов. Этот поход давно привлекает внимание исследователей, что объясняется не только той отрицательной ролью, которую он сыграл в жизни народов Закавказья, но и тем, что противоречивость сообщений источников не позволяет точно воспроизвести реальной картины события, происходящих в это время. Сопоставительный анализ армяно-грузинских и персидско-арабских источников показывает, что в этот период между армяно-грузинскими и монгольскими войсками произошло три битвы. Первая из них имела место в начале января 1221 г. на юго-восточной окраине Арцах-Хачена,

123 К. Դ' Օսսոն. Ук. соч., с. 191-192; W. A l l e n. Op. cit., p. 110. Ի դեպ, զարմանալի է, երբ Հ. Ստեփանյանը գրում է. «Հազիվ թե մոնղոլների դեմ կրկին ճակատամարտելու նպատակով գնացած հայ-վրացական նոր ու ավելի մեծ բանակը հանդիպեր թշնամուն և առանց մարտի մեջ մտնելու ետ դառնար, մի բան, որ ընդունվել է Կ. Դ' Օսսոնի կողմից» (Հրաչ Մտեփանյան. Նշվ. աշխ., էջ 140): Իրականում Կ. Դ' Օսսոնը գրել է. «Շտապ հավաքվեց նոր բանակ, որպեսզի երկրի հենց սրտում կասեցնի մոնղոլների հաջողությունները: Իայց այդ զորքերը բարբարոսների ներչնչած վախով համակված, չհամարձակվեցին նրանց սպասել և վերադարձան թիֆլիս» (К. Դ' Օսսոն. Ук. соч., с. 191):

124 Ю. М. С и х а р у л и д з е. Ук. соч., с. 18.

125 Ի ն ա լ - Ա ս ի ր, էջ 304-306, 307: Կ ի ր ա կ ո ս Գ ա ն ձ ա կ ե - ց ի, էջ 203-204: Р а ш и д а д - Д и н. Сборник летописей. Т. 1, кн. 2-я, с. 228—229.

вторая — в конце января 1221 г., на берегу реки Котман=Сагим (Берду-
жи)=Бали, а третья — в конце 1222 г. на Хунаском = Нунаракетском поле.
Во всех трех битвах победили монголы. Это в первую очередь объясняется
феодальными междоусобицами, имевшими место в грузинском государстве, и
тем, что несмотря на все старания грузинского двора, так и не удалось найти
союзников против монголов.

THE RECONNAISSANCE CAMPAIGN OF MONGOLS TO TRANSCAUCASIA
(1220–1222)

ARTASHES SHAHNAZARYAN

S u m m a r y

The struggle of the Armenian and Georgian peoples against the reconnaissance campaign of the Mongols (1220–1222) to Transcaucasia is one of the most prominent pages of their centuries old military cooperation. This problem was discussed by scholars since long, and is a vital issue not only because of the negative effect of that campaign on the life of Transcaucasian peoples; but also due to the fact that the contradictory character of historical sources does not permit us to reconstruct the real picture of the events. The investigation of Armenian-Georgian and Persian-Arabic sources shows that during the campaign three battles had taken place between Armenian-Georgian and Mongol armies – 1) in early January 1221 along the south-eastern borders of Artsakh-Khachen, 2) in late January 1221 on the bank of Kotman=Sagim (Berduji)=Bali river, 3) in late 1222 on the Khunan=Hunarakert field. In all three battles the Mongols had won. This should be explained by the presence of feudal strifes in the Georgian elite and the failure of the attempts of the Georgian court to find allies against the enemy.